

四庫全書

集部

欽定四庫全書

集部

中州名賢文表卷十五

六

詳校官中書臣瞿煦

助教臣常循覆勘

總校官庶吉士臣朱 鈐

校對官編修臣盧 燧

謄錄監生臣李世麟

欽定四庫全書

中州名賢文表卷十五

明 劉昌 編

馬文貞公

五言古詩

壯遊八十韻

十五讀古文二十舞劍器馳獵溱洧間已有丈夫氣裹糧上嵩高靈竒發天秘爍爍三秀枝爲我擢祭翠室青丹銀品伏龜鏤文貝駢羅星辰精附麗日月會紫鳳友

朱鷺翩翩劇翔戲飛閣舒鳥翼懸泉瀉珠琲摩崖見古  
刻應是列仙記捫蘿欲登觀苔滑阻凌厲煙霞蒼蔚隴  
霧雨蕭颯至余時戴箬冠綠壁照縞袂檀藥有磐石貞  
人每同憩北臨黃河水濁流觸天沸蛟龍逐鼃鼉鱗介  
滿水裔衝波崩金堤萬夫廢穡事官家憂且勞玉馬歲  
沈祭江淮畫鷁船夜上歌嘒嘒魚鹽不直錢寡婦豈拾  
穗釀酒相呼飲傾倒再拜跪中心忘嗔訶縱談詆漢魏  
三十能歌詩鄙薄雕蟲技不肯學仕宦慷慨負高義持

錢送酒家觴至卽一醉羹毛嶰谷筍飯煮山陽糝峨冠  
擬魯儒短衣真楚製遠行探禹穴六月剖丹荔巫峽與  
洞庭彷彿蒼梧帝江左佳麗區幼婦蛾眉細唱歌攬人  
心不可久留滯沿淮達汶泗摩挲泰山礪聖鄉有亡書  
求道亦容易童子操觚贖價重麒麟蜀京國天下雄豪  
英盡一世舞羽肅文教橐甲飾武備馬迹見騰塵車轍  
聞夏鞞輦騫天觀起鱗雜井屋綴千畝開靈潢馴象浴  
其內我皇拓文場羣髦咸戰藝洎予黔婁生言辭罔締

繪但幸鼃董死收拾在等第臚唱下閭闔恩澤永滂沛  
春雲覆林塘雜花懸火齊詞垣正舒華吹竽獨無喙執  
筆御史府羞縮如牡蠣彈評則春秋齟齬失剗劂問俗  
西夏國駟過流沙地馬齧首啗根人衣橐駝毳雞鳴麥  
酒熟木杵見乾薺浮圖天竺學焚身取舍利安定昆戎  
居貪鄙何足貴返途歷邠岐原田表古綴宛宛陶穴民  
艱難謀樹藝驪山葬秦魄茂陵迷漢窀秦離悲故宮脩  
竹徧清渭日入狐狸驕天陰蟠踈翳溫泉出津陽古瓦

識唐字關河隔山東華岳秋更霽首陽餓夫微霜露已  
顛顛鑄牛挽河梁恍惚水所噬晉俗棗齒黃冀馬電蛇  
駛井陘阨坤維大行逼象緯煌煌日圍近赫赫天人瑞  
田舍植汶篁郵亭擷吳桂優游逢化國俯仰詠樂歲豈  
用百二險乃自十一稅北都上時巡扈蹕浮雲騎宴鎬  
帳殿移拜洛周盧衛巖室山櫻鮓川曲紅藥賦列障救  
勒塞萬里靜烽燧九節菖蒲良貢篚充藥餌疇昔閉戶  
居耽讀未見試三年不窺園自謂五經笥四十得俸祿

僅可給羹餼誰能薄淮陽不作鴻臚寺簡書畏懷歸孤  
矢示初志振鷺方擢質冥鴻忽垂翅感歎對囊螢興言  
友荷蕢諒非廊廟具頗異市井輩當曳鄒陽裾願擁文  
侯琴

贈客

疊嶽擢蒼蔚繇英粲紛葩銀繭霰已積翠幢柏方遮劇  
飲肆豪縱清談宴賓嘉叫嘯虎當巖趨鶻行沙聯城  
聘趙女貫珠唱吳娃露庭泛蘭蕝風閨透窗紗魚泳文



波圓禽翔喬雲斜逸樂諧金石清貞況煙霞洗藥秋汲  
澗種秫春燒畬寓言託莊列潛心著義媧所貴丘園貴  
終然心匪遐

讀陶潛詩

伯夷恥粟餓屈原避讒死獨有柴桑翁一不失張弛所  
以百世下風流激頽靡遐觀八極表衰榮何足數

送袁伯長歸浙東

龍角不如犀常不生馬廐麟趾不如牛終當在君園我

行泰山阿日觀望潮候見子被雲服家居夾靈鷲揖之  
不得近跂慕塵光後

貢待制文修撰王都司同賦牡丹分得色字  
名都擅穠華奇葩紛翕葩頰暈紅紛豔囊垂挂蠹蝕初  
凝沆瀣冰漸展蒲萄織仙綬曳雙環么鳳盤六翼粲粲  
春奩瑩晶晶風燈直可憐昭容袖縹緲見顏色

齋宿太社署

朱門屹南起金水經北流繚垣外旁達周屋內廣修圭

玉承瓌藉碧鏤飾衣篝中壇土五色夏松露浮浮改容  
事明神豈謂茲淹留

古意

秋羅畫雙蝶涼練透紅綃攀紆翠襍積騰擘鳳盤翹公  
子高宴集水閣芙蓉搖來禽丹砂紅石蜜春水消歡情  
光景洽壯意風雲飄所期國士知豈謂虞人招

苦寒 三首

肅肅歲已晏冽冽冰霰集寒雲光不流槁木鳴日夕挾

續處南戶嚴稜坐相襲端然成離居企念穉陽復  
南戶日頗暄居獨意亦適觀物契妙道含情想真識靜  
驚理雖殊造定趣乃一古人不可求茲焉寄游息  
日精赫重光午景延冬暄真見煦物功始覺陽道尊玄  
冥歛時肅衣被元氣溫鼻端有消息守此觀化原

報春堂

青陽布仁德萬品含景滋人道貴有報天施終匪私  
遲春暉和寸草爲生資聊觀孟氏詠載攷生民詩

古詩

繾綣憂腸興觴至不能酌高飈揚塵沙倏倏滿戶窳冠  
屨對孔經蠅亦集堂突淹留藉君子相與一晤嘯

擬古

崇臺拂緜雲阿閣蔭廣路上有彈琴女文采被煙霧玉  
食薦翠盤渴飲瑤草露鄙薄貧士妻然歲弄機杼

春寒二首

叶風應青陽羲御南其輶生榮兆植物民氣趨和柔三

農興歲功鉅鎔日以修云胡司寒神正月行斂收獵獵  
驚飈來壯士晝索裘冰梁阻沃漑龜坼橫大疇穡事忽  
愆時誰與饑餓謀得見吹律行吾將迎道周

歲律啟璇室天家授人時嘉生達勾萌厚德宣靈祇玄  
功旣旁被吾人亦咸宜曩在閉關日商旅車不脂瑟縮  
謹蓋藏宛宛如蚌龜茲遇孟陬月遲日載景燾春酒續  
古意游子求履綦豈悅草木華所貴陽道施陽道一以  
施衆美俱無疵

送幼度御史南游

辭官亦有道諧世亦有窮君子尚高義賤物不賤躬舍  
情適夷曠潛心入玄中弓旌或南出求子江水東

田間

中田時柔桑周垣列苑柳居然成農耕林廬頗完好朋  
從時往過牀頭出尊酒意氣每酣適仰視北有斗豈知  
念相纍那復嗟漢叟丈夫貴立志文字託永久

王維輞川別業詩圖

野水已不流野田已無滕日夕華子岡狐狸上丘陵高  
人茲爲土畫墨飛塵凝空餘古韻語髣髴金石興

飲酒二首

簡編有重譌折衷無權衡黎庶有重困救藥無持平昔  
者聖賢出屯蹇躋其身躋身不躋道龍蛇果能仲棄置  
姑飲酒陶然會天真萬物各遂性雜沓向我陳

嗟哉寡諧合蒼髮禿不齊觴至即飲醕猶恐逢訶詆衆  
人以儒進我不限吏資入官養交譽惟恐不合時含笑



作雅詠遭罵亦詭隨出入踐華要誣諉成其私積階踐  
崇貴剽獵章句辭鼓頰說古今證據稱云爲斯世豈可  
誣小夫甘自欺興言發喟嘆飲者終不知

蔓草不除

大夏萬物長蔓草多華滋勾芒發苕穎苞實各及時賴  
爾有野意使我情悅怡誰云田中殖嘉穀亦如茲

端午效六朝體

脩篁發秀林圓荷疊芳池采絲擷露縷紗縠含風漪鞋

賓應樂律端陽正歲時馥馥蘭湯浴濫濫蒲酒持漢宮  
鬪草戲楚船張水嬉江心鑄龍鏡好用照湘纍

田居二詩寄元參議二首

積潦被原田瀦水滿陂塘具我錢鎛器剉稽飼牛腸周  
垣無不完南東植柔桑欣欣條枝發向日欲奮張衆草  
還芊芊朝雉鳴陽岡始旦荷畚去取糞城邑旁敢辭作  
勞苦但願筋力强

上馬作將軍下馬作博士服賈真無良蓐食勒稽事王

朝列公卿田稅豈十二同里相勞勉牛種更貸貫雖無  
凍餒憂未可悅親志親志在光榮祿養乃始貴爲詩獻  
儒宗秋獲見稔歲

初日詩二首

初日照我樹我樹日華滋檀欒綠陰合四顧無曲枝盛  
暑熾煩歎其中有涼颼成林陰千畝棲息任所宜

初日照我書我書在東牖赫矣先聖言天地相永久秦  
火雖燎原其灰爲世壽人文待茲成老死學敢後

飲田家留題

田家酒初熟邀予坐籬根我復不辭飲喧譁輒傾樽耳  
熱歌擊缶雜坐忘卑尊論古似嘲謔顛倒義與軒禮容  
或稍稍愛此情義敦丘原正春意歸路花柳繁翻翻鳥  
飛去悠悠寄情言

史館閒題二首

騎馬到書省冠佩趨几筵豈但文字美所樂長官賢京  
國足府寺金穀相百千飛書日雜還奔命思不先肅肅

館閣嚴操觚績簡編上有日月光下有草木妍森羅大  
象列俟此言語宣蹇予昧儒學羣髦辱官聯遭逢賴明  
世益喜身悠然

畫省眞仙居華屋映丹樹青石倚闌干松髮沐雲霧綺  
疏刻連錢承塵畫翔鷺中有河漢文夜深寶光聚玉函  
黃金鑰太史自侍御河上一豎儒伊盍誦章句偶趨彤  
庭詔詞林邇天路雖樂文雅懿終慙紬繹誤

奉和王儀伯參議龍門



衆鎮列方國茲山入叢霄  
隱雷鬱夜壑奔淥劇春潮  
跛鼈不可升負鼈詎能超  
媧鍊役萬神禹鑿勞百僚  
我行當晨興雞鳴馬蕭蕭  
歸馬見閭闔煙雲限紛囁  
所樂鎬京從敢賦淮南招  
摛詞造鵷行藻思芳年彫  
飲酒輒亦醉泛泛風鷗飄  
日畿芙蓉衢玉輶九天遙  
高詠青霞篇翹首扶桑朝

擬古

驅車上疾坂六馬汗滿溝  
解航下急瀧百夫不能留  
微

機有逆順無用卜筮謀車遲或可安航速或覆流

送別李彥方憲副之官

昔在翰林日與子同官聯出入文史間篇章雜朱玄飲  
酒學士家走馬大道邊各不識時貴浩氣超八埏今茲  
兩禿翁短髮咸被肩睽違諒不樂國憲屬持宣八州多  
疲氓豪吏爭控拳擊搏并煦嫗所施務兼全期子上報  
政慰我心倦倦

種桃

種桃南山麓三歲不得實種瓜東郊園擷之在百日豈  
於思遊暮終焉有常食如何種瑤草千歲始一獲

王繼學同張學士壽寧宮祠宿奉寄一首

永日坐虛館晏然有餘清迤邐違世躑沖融叶道情修  
管文賦成歌詩藻思生涼颼入書幌逍遙命觴酒披拂  
有庭花山石可繫拊下階就步武布席思我友我友不  
可思方與神仙期峨峨華陽中左右委佩垂夜半登玄  
壇象緯光陸離天門倘有遇爲我含景滋



潁郡

孤城介汝潁四野盡行沃梁楚異風氣沈頓錯封域  
的墳壤美宜我稼稻居民尚樸儉遺邦頗文物邈哉  
宋兩公當年擅高躅至今風月夜西湖有鳴玉竭來載  
淮舟登高恣遊矚古老不可問聲華竟誰續

昌平道中次繼學韻

清朝富文物冠蓋塞兩京角藝百技並論經千儒并下  
才忝供奉肅肅齋館清朝出都門道羣山愜幽情聯鑣

有髮士海內馳英聲  
白馬嘶南風羅袍映田塍  
笑我如培塿自比山崢嶸

度居庸關次繼學韻

飛鞚陟雲巘  
淩昔盡圖畫  
天風吹高寒  
山雨灑長夏  
冥冥冥白鳥  
去寂寂松子下  
陸行石當塗  
水春泉繞舍  
高輿蜀道齊  
深廼盤谷亞  
筍輿約重來  
羸馬苦常跨  
朋從詠連疊  
酬應給閒暇  
得見王子喬  
吾將驂鶴駕

七言古詩

所過

張良廟前流水聲  
歌風臺下曉雞鳴  
行人舟中寐復起  
此生亦欲成功名  
白髮可憐升斗祿  
持歸不足求田屋  
揮杯看劍獨長嘯  
萬里朝雲見晴木

淮安路池山

淮浦蒲花秋渺渺  
淮岸楊花春裊裊  
白魚初下酒船來  
十里風煙隔飛鳥  
吾生欲向淮南居  
吏聞池山好田廬  
濯足滄浪箕踞坐  
不問朝家來聘車

寄鄉友

河邊老父念我出遠寄京華書一行謂言白髮今多少  
又報南園竹樹荒門前石田杭秫熟犢子新生走如鹿  
莫戀官家有俸錢長年作客身如束

送周南翁之官池陽

霏微桂藜綠霧深集仙書殿秋沈沈九華山影隋酒醖  
便欲起挹青楓林青楓林高霜葉赤遙遙連雲鴈行急  
蜀麻吳鹽來往時間坐城樓聽江笛

宿興化縣界

去年七月淮水發獨乘扁舟觀禹迹今年七月天又雨  
躍馬南上閩嶺石蹉跎歲時身老大瑣瑣苟祿慙莫述  
白髮山中抱孔經會見青藜下太一

上京書懷

燕子泥融蘭葉短疊疊荷錢水初滿  
人家時節近端陽  
繡袂羅衫雙珮光共笑江南五雜組  
畫鷁浮波供角黍  
沙苑射柳追風駒古來北地爲名區

上京效李長吉

龍沙秋淺雲光薄，畫羅宮衣侵曉著。  
吳娃楚娘侍團扇，象輿鳳輦明珠絡。  
椒花染紫風雨香，三十六盤天路長。  
南都北都望行幸，千秋萬歲迎君王。

李夫人

未央天子香熏骨，夫人不貯黃金屋。  
水銅無光澀秋月，留得當年舊蛾綠。  
瑤臺夜佩聲闌珊，沈雲叫鴈沙泉寒。  
二十五絃彈鳳皇，玉釵小燕飛春山。

蔡州伎趙氏墜崖以死自誓作詩諷俗

鱗鱗汝水冰碧光汝之左右百草芳紅蘭紫桂媚長晝  
鈎輶烏子回銀塘菱蒲無數菱葉小西家鞦韆屬年少  
燕泥霽雨風景酣簾箔依稀有歌笑趙氏母子邯鄲倡  
綵絲繡履踏春陽心思宛轉縈雲縷羞對兒郎唱鳳皇  
樂山嵯峨石生雨鄉人迎神奏歌舞娑娑起向神祠前  
祝願生身事鍼組野風吹目雙淚零泉聲松韻相泠泠  
誰言女子情愛癖誓死命輕如烏翎烏翎飛上合歡樹

開花夜夜無愁苦秋香不斷相思浦小釵玉股埋黃土

秋意

銀牀墜露下高桐竹練含冰留麝籠蒲萄酒作碼頭紅  
湘娥江邊采芙蓉月華流影天漢東素商淒清颺微風  
草根知秋有鳴蛩

五言律詩

固始縣南岳行祠

往歲曾登眺今朝又謾來山禽鳴獨樹石壁漬荒苔水



淺沙痕亂天低雁影迴春風吹白髮有酒且銜杯

送人之陝省幕和韻

綬帶驚沙鶴紗巾逐海鷗驪山泉未冷華岳樹先秋  
路出汾陽里家仍晏子裘風流蓮幕美君豈歎淹留

謁告書懷

先子桐鄉地年來憶舊游山春花競發沙晚水閒流  
石屋青霞夜藤牀碧樹秋防身龍具在強欲問吳鉤

送董仁甫之西臺幕

西南萬里地詔屬大行臺秦樹浮天去巴江帶雪來山  
河無用險邦國正須才檐幕風流美書籤想盡開

送周南翁待制

雞曙辭宮漏鷗天趁客船帝書鸞紙瑩母侍版輿鮮林  
壑煙霞舊松楸雨露偏儒臣文藻劇瀧表勒高阡

華清宮故基

開元人物盡茲地尚華清古道風塵急溫泉日夜生碑  
詞惟石蘚宮樹有春鶯過客知王建題詩不記名

舟中

叢灌縈雲曲岡巒引霧深  
舟輕風燕疾衣薄水螢侵  
夜久江喧瀨秋清竹滿林  
閒情任飄泊到處欲登臨

再從浙入閩

積雨關河溼今朝日始晴  
浮船下夜瀨覓酒近春城  
鵝鴨將雛出牛羊傍母行  
獨憐無似客萬里又南征

崇真宮西梨花

春日梨花下相逢把臂行  
香痕憐粉薄酒暈惜紅輕  
影

動簾穿燕聲來樹度鶯共當拚一醉莫待鬢華生

明日在羅中官園池自次韻

帝里春光媚花前可獨行  
額黃團帶小看綠畫痕輕  
蕩槩波浮鷓裁衣粉妒鶯却愁風信惡  
明日樹陰生

武當山道士贈行

幽居鑿石楹仙路接青城  
印字苔行鶴拔金樹度鶯飛  
光無短景上壽有長生  
星斗何曾闇玄壇夜夜明

贈廬州黃孝子

我家淮水上孝義夙多聞  
邑屋封華表丘園聘束纁  
久嗟毛義檄更歎董生文  
白石山中去吾將問隱君

出都

長城懷古處身在日華東  
水出盧龍塞山連碣石宮  
沙鷗終日白霜樹忽然紅  
雲海鴻濛氣歸飄杳靄中

紫芝不用事

霞纈盤華蓋天葩擢商雲  
孕靈非有種揆藻忽成文  
冠直仙裁羽纓垂女製  
帑原田多衆草獨爾擅網罽

贈楊洞天道人

我自不入俗君今又欲仙  
烏啼百花裏屋住萬山邊  
密樹雲難過空潭月易圓  
題詩秋卷了爲說小行年

贈彈琴道人

苦竹到階深雲房豈易尋  
倚松聞磬韻對石振塵襟  
芒屨玄壇曲瓊冠紫殿陰  
仙翁嫌我俗不肯坐彈琴

用韻上繼學時祠禱天寶宮

玄關松桂深長晝客來尋  
撫石雲生手弄泉風滿襟  
鶴

巢連屋角蝸迹上碑陰須信祠官美烹茶更鼓琴

徐州弔蘇翁山

城角黃樓壯蘇公骨已仙亂流無齧石宅土有居廛才  
大為時忌名高得世傳舟中臥讀賦臨水一琅然

五言七首

大行東北去形勢自天分一葦航吳越千車輓朔雲衣  
冠今復盛豪傑古猶聞欲獻三都賦茫然媿不文

不作還山夢因吟李杜詩平生無飽飯抵死只憂時事

實兼唐史風流揖楚辭山川舊遊處千載有餘悲

王子不耐俗還山應恐遲挑燈同此夜把臂憶當時愛  
我常懸榻逢人只語詩買田吾已沒莫負耦耕期

好去春山路騎驢卷畫中徜徉紫芝客顛顛鹿皮翁得  
酒寧辭醉逢人莫話窮乾坤皆古意人自不相同

古意在着字新詩應口哦無錢賒酒得有屋喜人過字  
宙千年事功名一曲歌執鞭吾亦可稅駕欲如何

聞道光山縣城南十里賒人家依翠竹野水亂梅花應



有仙燒藥寧無客，艤槎行當問田畝。  
結屋貯煙霞，又是蒺藜秋。  
浮槎繫旅，轉古城空石堞，平野半沙邱。  
自笑滄洲客，還期汗漫遊。明朝入衛國，淇上買扁舟。

次韻石

老石何年有，依稀滿路傍。  
無人愁飲羽，有客坐忘羊。  
戒世能言晉，傳書豈姓黃。  
補天成五色，何獨柱明堂。

石田山居五首

甲子人愁雨，河田麥已丹。  
歲凶捐瘠衆，天遠禱祠難。  
賈

客還酤酒王孫自飽餐更憐鰲面黑征戍出桑乾  
積雨衣裳溼愁人是麥田泥將深沒馬霧欲隨飛鳶爨  
火勞薪盡家居老屋穿牆根雜蛙蚓擬買繫籬船

光山楓製錦潢浦荻飛綿秭熟何論酒魚來不計錢卜  
鄰多野老求藥有神仙爲客留羹筍清晨步石田

作客何多意淮南即是家自牽蘿屋小不正葛巾斜書  
嬾眠尤熟詩來酒更賒春天雲嫵媚相對坐鷗沙

淮南窮僻地先世有林廬花曙鳴山鳥芹春躍岸魚鼓

琴仙度曲鍊杏客傳書朋舊如相覓休嗔禮法疎

五言排律

春行南郊

綠樹連城合蒼藤入澗懸作橋分野路取竹縛溪船載  
酒誰留客看花我欲顛歌詩諧故老笑語屬神仙自鑿  
蒲萄井人開苜蓿田銜櫻黃鳥哢窺藻白鷗翮狎坐欣  
時俊隨行喜妙年山陰知寂莫春服且雲煙

應制壽王少傅

皇極敷多福臣工保壽耆提身名愈茂伏老眷殊彌疏  
廣金無幾祁奚子更奇堯尊霑露醴齊服剪冰絲几杖  
隨春到冠巾與野宜珊瑚生海石琥珀出松脂西掖清  
光徧東朝寵渥私仁風初煦煦化日自遲遲宸詔徵歌  
曲仙音被樂詞乞言方有待莫去采靈芝

送文著作往鄂州諭南使

大化均天施皇圖象岳寧宣風依日月發號布雷霆貌  
虎巖分鎮鸚鵡蔚在廷芝莖連孔廟莫葉茂堯庭珠米

圓圓白樓桑箇箇青謳吟興隴畝游行及郊垌楚俗那  
三戶滇童信六經已知含煦育復此仰儀刑使得皇華  
美歌應湛露聽賜衣裁錦段官醞溢瑤筍上國崇懷服  
熙朝尚德馨魚書閒粉蠹雞卜枉軺星鶚渚翔鸚鵡燕  
臺念脊令歸途回四牡楓樹失江汀

伯長內翰與繼學內翰聯句賦畫松詩清壯  
偉麗備體諸家祖常實不能及後塵也仍作

詩美之

吳絹水絲白秦封石髮青沐華浮鶴露戩景蔽鷄星刻  
畫風雲狀雕鑿鳥獸形哦詩鏘玉署集句燦珠經奕奕  
舒光氣沈沈逐杳冥離歌三疊送凱奏萬鏡聽肅穆官  
師位雍容樂舞庭江花春豔豔山竹雪亭亭自笑如塵  
俗懷慙似酒醒無因題琥珀有去對鷓鴣

送劉侍儀祠祭北鎮

名鎮坤維左雄藩碣石邊宵明觀海日春媚禊河川塞  
道迷沙磧郵亭過玉田驕驕憐驛騎襁褓費羊羶亦有

鮫人室應無罅戶船山椒雲物異天角斗樞偏望美祠  
官貴時清祀事專祝禧孚感格錫福待敷宣

輓饒國吳公

泣雨纏丹旆靈風攪素帷番君歸廟日饒國表旣時宮  
石鏡仙籙華編綴誄辭山原松漏月墓道樛生芝諧世  
資清福全天樂壽耆孫聯書殿列兒侍竹宮祠執紼嗟  
何及居廬願莫私明王崇秩祀歛錫待敷施

送王伯弘平章

袞職華蟲燦台階象緯明世須先穀帛治理後章程所  
貴求儒效何勞得論衡退公無候吏飲介有諸生楓陛  
都俞密槐庭屬望清助耕千畝籍謝絕五侯鯖疏傳專  
高節韋賢擅令名臣工商相重鄉國魯公榮汶水春跳  
鮪徂松夏鸚鶯來宜思舜慕去合體堯情尚醞隨飛驛  
宮衣賜滿籛曹裝應再趣莫擬種黃精

秋谷平章生日

上宰儒宗重中台位望隆承天施塊圮捧日照曠曠汾



路精靈合文章運會通鄴侯初亦昂周翰降維高姬正  
逢陽復義車舍斗中着毫齊紺髮仙骨炯方瞳鸞鳳翔  
千仞貂蟬侍兩宮天池浮畫鷁公袞煥華蟲造命毗元  
化書思沃帝聰山河尊社稷禮樂賴臣工韓國蕃宣水  
高皇報施崇從來黃閣貴只屬紫芝翁檻竹沈沈翠庭  
花灼灼紅道山藏畫象詞館轉詩筒洛下耆英盛人間  
壽域同君王自養老何羨菊潭東

泉南孫氏園亭

鑿石通歸汐浮梁看浴暎鴨闌萍上甃鹿柵蘚生垣蔭  
蔔垂梔子竇當長竹孫書香芸辟蠹席煖錦裁鸞交客  
登仙籍承家荷帝恩冰甌蠶蜜溜酒榼荔漿翻吹籥花  
圍屋彈琴鶴舞園海雲春有態閩雪夜無痕誰謂衣裳  
嬾余今杖屨煩拈鬚歌月地翹首望天門

次韻繼學三首

金爵層霄外銀猊曲檻邊含香俱國士持索半神仙豈  
有遮塵手應無見麴涎地青天似水席煖罽如綿客送

蒲萄酒人分苜蓿田書思趨豹省  
揆藻賦龍船時上京自大都

移舟至誰念馮唐老爲郎白首年

雞塞西寧外龍沙北極邊有天皆入貢無地不生仙鵲  
玉光含水驪珠溼帶涎香清堪閉閣衣薄豈勝綿珥筆  
遊鼈禁扶犁占鶴田酒來揚子宅人上剡溪船自信篇  
章貴能歌擊壤年

丞相晨趨漏元戎夜拓邊碧雞崇漢時丹藥監秦仙敢  
謂鼈頭選初逃虎口涎柳詞方濯錦雪賦已抽綿豔豔

金爲屋輝輝玉滿田  
客身隨楚製鄉夢逐吳船  
所賴三階正螭坳記有年

送可升法師祠武當山

華芝三曲蓋靈馭九龍車  
人喜仙官至誰云帝闕賒  
山神驅黑虎真侶耀朱蛇  
石髮松膏霧天衣雨織霞  
澗青春舞藻巖紫晝垂花  
醮席羅星斗賓筵競鼓笳  
乘槎過博望喚酒問樂巴  
竭澤無魚吾施遠有兔且熙熙  
歸化域遲汝報重華

送楊仲禮江泚提舉儒學

江海雄南服衣冠重北門  
仗雲移振鷺船霧送翔鶴酒  
屢招人飲文多與客論  
名高依日月道大信乾坤  
官拜儒臺貴班聯會府尊  
齋廚還筍蕨賓所盡蘭蓀  
佐史言猶雅公庭禮不煩  
過家歡上冢去國戀承恩  
田垌觀魚子鄰牆撫竹孫  
光榮休負弩歌鼓樂鄉邨

送宋誠夫太監祠海上諸神

上聖崇明祀元臣屬有文  
內香開寶炷制幣出玄纁  
授

節臨前殿傳臚聽後軍酒清黃木廟魚祭武夷君颺母  
應回雨天妃却下雲不勞風有隧猶願楚無氛漕粟琅  
邪見還珠合浦聞穹蒼天塊滂溟渤氣網緼龍戶編魚  
賦鮫人織霧紋時祠光炯炯宣室語欣欣鵬運連番舶  
輶歸願冀羣觀書曾拜洛歌賦不橫汾越水琉璃靜闔  
花茉莉熏伏波封莫請宵旰念華勛

贊御書雪林二字為趙伯寧中丞作

聖主敷文化臺臣得寶書方員河洛出次舍日星居禹

畫州圻古義又物象初克勤資負辰躋敬賴儲胥王錫  
非輦帶天光豈器車傳家恩有渥訓德義無餘浩浩水  
華潔亭亭木本疎山輝因玉潤雲氣是龍嘘瑩爽才尤  
峻栽培力不虛明良須慶會動植樂舒徐眷遇榮金匱  
謳歌媿石渠賤微叨下列瞻拜舞階除

虞伯生學士畫像

宰相傳經業揚門世講官箕裘君自得文字我知難波  
冢朱塗誤秦灰墨補殘黃流凝玉瓚仙露滴金盤不肯

投漫刺偏宜戴小冠  
近林聽竹雨臨澗看風湍  
詔入蒲輪軟訶歸釣石  
團青山連蜀國白石照  
長安擬卜龜呈兆  
將書鶴借翰風流圖畫裏  
方目見神完

寄舒真人

金闕來華蓋琳壇集羽衣  
石因鐘乳膩松爲茯苓肥  
劑墨香翻杵修琴玉布徽  
天低臨象緯日近逼光輝  
竹裏開長徑池邊敞小扉  
紅迷霞綺錯綠漲水環圍  
仙杏粵凝赤蟠桃萼翦緋  
龍來還獨宿鶴去更知歸  
割蜜蠶先



避銜書鳳自飛祠雷陳古磬符鬼掣靈旂丹井泉偏冽  
銅盤露未晞俗人那得識詩客盡相依伊我逢休澣從  
茲詠浴沂憑師消鄙吝猶可采山薇

送華山隱之宗陽宮

江閣魚龍近山房霧雨多地清天不暑池曲水無波筍  
籜迎書帶櫻桃送錦窠呦呦呼伴鹿唼唼換經鵝養素  
行編屨消閒坐織蓑幾篇餐玉法一帙醮星科香炷沉  
銀葉衣裾佩紫荷丹光留海月絳景出松蘿醉憶泉深

乳幽憐石爛柯神君攀綠桂天女蹋青莎邀客登山頂  
尋真入澗阿洞簫吹道曲雲紙寫漁歌子髮今如此君  
心可柰何高壇見明月爲我問婆羅

登雨花臺

積翠生層巘凝光浴巨濤吳城花覆井楚舸竹裁篙地  
近魚龍逼天空鶴鶴高野橋皆蟠螭溪水盡蒲萄雨石  
逢芝箭風林得鳳毛臙脂兒女小罨畫鬼神饕六代都  
銜壁三山尚戴鼇故宮猶在苒古樹漫周遭仙洞歌瑤

草人家宴碧桃飯香非接浙酒好不芻糟綠霧春連閣  
丹霞曉映袍攀躋忻境勝跋涉憚人勞老我才還劣清  
資媿重叨采詩今有使問俗似無曹佳麗千年最聲名  
一世豪歲時休澣日攜手可遊遨

中州名賢文表卷十五

欽定四庫全書

中州名賢文表卷十六

明 劉昌 編

馬文貞公

七言律詩

送徐侍御之南臺

雲縈天然拂曙橋  
鍾陵松檜識南朝  
臨書應憶晨趨漏  
把酒何妨夜聽潮  
官美當年裁錦繡  
時清今日奏簫韶  
佇觀召對通明殿  
別擬題詩寄使軺

和繼學郎中送友歸越中

薊門東望海無波誰許山人問薜蘿  
雀舫春聲留水燕鵝袍秋影動天鵝  
鑑湖草滿芙蓉少鄞縣潮來牡蠣多  
羞見京塵遮帽頂羊裘亦欲換漁蓑

輓何得之先生

手織烏紗日賣錢全家閒住五雲邊  
伏生有女書室在伯道無兒世共憐  
北市行歌花爛熳西亭坐嘯月嬋娟  
少微光氣今年闇知是詩隨過海船

賦王叔能宅芍藥

鴛粉香奩豔有光  
天工巧製殿春陽  
霞繒襞積雲千疊  
寶盃脂凝蜜半香  
竝蒂當階盤綬帶  
金苞向日剖珠囊  
詩人莫詠揚州紫  
便與花王可頡頏

上京翰苑書懷三首

沙草山低叫白翎  
松林春雨樹青青  
土房通火爲長炕  
羶屋疏涼啟小櫺  
六月椒花駝貢乳  
九秋雷隱菌收釘  
誰知重見鼇峰客  
颯颯臨風鬢已星

門外春橋漲綠波，因尋紅藥過南坡。已知積水皆爲海，不信疎星又隔河。酒市杯陳金錯落，人家冠簇翠盤陀。薰風到面無蒸暑，去鳥長雲柰客何。

萬里雲沙碣石西，高樓一望夕陽低。谷量牛馬煙霞錯，天險山河海岱齊。貢篚銀貂金作籍，官窰磁琖玉爲泥。未央殿下長生樹，還許尋巢彩鳳栖。

送胡長史之泚憲

泚水秋濤溢尾閭，外臺清政自涵虛。七州課最求儒效，



一府分曹責吏書冰檠久知諧素履風霜茲復見廉車  
春坊記我曾聯屬懸喜迎親侍版輿

次韻王叅議寄上京胡安常諸公

冰盤珍果進紅消九部新聲擬奏韶洛宅土中諸國會  
甘泉天近侍臣朝仙官鳧至應飛鳥廉吏珠還豈織綃  
早晚秋河烏鵲渡彩霓千丈不須橋

贈陳玉林道士

學士書名御榻前先生歸臥大江邊飛龍亭在山還好

伏虎丹成鼎不穿萬頃玉林煙滿地九重金闕日升天  
聖君若許秦淮去擬借雲房宿一年

次韻王編修送彭道士南歸

故山松老鶴知年歸寫丹經帶槧鉛鍊杏春林求水碧  
步虛秋館佩山玄石鞭海上無精衛花發江南有杜鵑  
一曲鑑湖何處覓我今騎馬似乘船

貢院憶繼學治書

棘闈粉署隔重牆校藝分官屬正郎  
五夜風簾燒蠟燭

九天冰樹劑龍香周旋接武尚書履供帳留茵御史牀  
臚唱閣門春色曙侍臣應奏慶雲章

繆郎中雪谷早行圖

十里寒林葉盡凋谷中深雪客行遙留連獻賦遊梁苑  
辛苦哦詩過灞橋竹裂若聞金石奏山空不聽斧斤樵  
未央前殿冰花滿郎吏催班已趁朝

龍虎臺應制

龍虎臺高秋意多翠華來日似巒坡天將山海爲城塹

人倚雲霞作綺羅  
周穆故慙黃竹賦  
漢高空奏大風歌  
兩京巡省非行幸  
要使蒼生樂至和

送安慶路教王中夫

南國煙花一萬重  
浮船春水正溶溶  
舒州城壯山偏護  
博士官清印自封  
夜誦挑燈吟蟋蟀  
秋行攜酒采芙蓉  
仙人李白今應在  
問訊時時過宿松

送胡古愚歸東陽二首

籍籍詩中一世豪  
瑤池三度食蟠桃  
小移夜雨紅蘭漿

旋翦春風白紵袍供奉水衙從古貴東陽酒價近來高

行臺若見王公子道我官曹似馬曹

江東廉使  
王繼學也

沈約才清不耐秋歸艍南去漫夷猶還家少拂雙鴛被  
到闕重修五鳳樓袍色映江滎錦里詩聲傳紙快書郵  
蘭溪畫燭非蓮炬春早來從十二存

### 送客歸揚州

揚子江頭水拍天人家種柳住江邊吳娃蕩漿潮生浦  
楚客吹簫月滿船錦纜憶曾遊此地瓊花開不似當年

竹西池館多紅藥日日題詩舞袖前

送王叅政上京奏選

滇池細馬蹋龍沙宰相朝天路不賒  
峽裏琴泉春作乳月中珠樹夜成花  
三千禮樂尊儒術百二山河壯帝家  
魚上禹門無點額直郎宣奏日當衙

贈內

幾年不入鹿門山妻子相看亦強顏  
桂樹有枝曾獨折女蘿無蔓不同攀  
仙人樓上騎黃鶴野客籠中放白鷗

莫恨五湖波浪闊鬢毛歸去未全斑

送毛真人還山

手提仙印碧霞裳賜履承恩自尚方  
雨灑石壇苔錦滑日穿油幌竹書光  
葉鳧此日還滄海漢鵠何年下建章  
琪樹萬叢芝萬本江南歸路水雲香

雜詠

步出汀洲拾翠翎仙家幢節樹亭亭  
山躋蒼蔚籠紗縠波瀉連漪漾醪醕  
黃鶴來時天有日玄猿啼處夜無星

舟行又過淮南國招隱詞高世莫聽

玄真觀借居

山光朝暮鳳池西襟被仙家共鶴栖且向竹林移坐具  
都將柿葉寫詩題宅門好榜神清洞書燭終然太乙藜  
昨夜玄壇星斗近步虛聲外望文奎

張居士

手種梧桐斲素琴親開墨沼寫來禽人間日日朱門別  
江上年年碧草深勾漏丹砂慙自乞鹿門妻子願同尋



我今五十身多病，翹首南雲望故林。

送揚州方教授

煬帝宮前錦纜舟，江都不是古揚州。  
船中鏡鑄芙蓉月，江上簫吹楊柳秋。  
芹藻有歌來士子，魚鹽無賦到田疇。  
戴憑重席男兒事，莫向淮南怨白頭。

寄王繼學廉使

班超生入玉門關，聖德如天遠賜環。  
已有聲華通北斗，又將詞賦動南山。  
薇垣春滿雲猶溼，荔浦秋生月更彎。

京國故人星散去病來題字不能刪

喜小孫誦書

弋釣爲生不負丞江關詞賦屬徐陵舊傳仙設能餐玉  
新試官箴合飲冰坐上看雲秋渺渺夢中聽雨夜澄澄  
淮天七月猶多暑喜見孫兒學聚螢

無題 四首

瓦溝銀竹曙翻江閨苑涼風滿石幢葛令寄來丹白一  
陶公歸去酒瓢雙梧桐寂莫陳宮井薜荔扶疎玉女窗

天畔地車呼小鳳  
桂花流水夜淙淙

鶴城十二疊瑤光  
琪樹懸秋四面香  
蛺蝶染花生粉白  
玻瓈著酒煖金黃  
熏爐舊夢憑荀令  
燭釵閒吟屬沈郎  
南國鴈來書不至  
江樓誰為製荷裳

三湘瀟灑恨無潮  
烏鵲填河願有橋  
丹穴鳳來龍樹遠  
海門魚去蜃樓遙  
已知京兆誇高髻  
不信章華鬪細腰  
船尾橫江春水急  
長年無事醉吹簫

愛酒書生白髮垂  
鸞膠懶隨豈能醫  
漢宮鬪草端陽節

唐殿穿針七夕時  
竹上礪房真可買  
石間芝箭似難移  
揚雄擬奏河東賦  
但乞君王酒一卮

次前韻四首

岷峨山下錦城江  
好買玄都翡翠幢  
竹種篔簹千萬箇  
鳥飛鸛鶴兩三雙  
銅龍漏下春生水  
金馬神來霧入窓  
花落天台招小隱  
胡麻飯熟石淙淙

切玉龍刀寶氣光  
袷羅半臂麝臍香  
荔枝囊蜜媽媽紫  
盧橘團金顆顆黃  
秦氏故侯更漢主  
石家小婦嫁孫郎

江心誰鑄芙蓉鏡，照見嫦娥織翠裳。

錢塘八月水生潮。

闕

筴千年竹架橋，篔簹織龍鬚。天路近

衣裁蟬翼渚宮遙，府中丞相魚垂帶。閩外將軍箭插腰，  
無奈黃金閒買賦。雲間學得鳳凰簫。

樂部韋娘舞小垂，病來能召翰林醫。嗔人書奏三千牘，  
勸客詩歌十二時。金谷花枝隨雨盡，石城江水逐潮移。  
世間若有神仙樹，西去瑤池醉酒卮。

龍門

萬壑奔流一峽開  
君王歲歲御龍來  
人間塵土常相隔  
天上星辰到此迴  
草木四時承  
午日風雲半夜束  
春雷自慚曾奏長門賦  
跋馬徬徨念暴鯁

還過龍門

紫塞秋高鳳輦迴  
龍門有客去還來  
蕩摩日月崑崙坼  
吐納風雲混沌開  
天地有神司主宰  
地靈無力戴崔嵬  
誰吹石瀨成飛雨  
不使時人污酒杯

送宋顯夫南歸

琵琶溝北識君初籍甚才華二十餘欲賦兔園干孝邸  
不因狗監進相如瀟湘路熟逢知己韋杜天低望故居  
攜幼歸來拜邱壟南遊莫戀武昌魚

駕發上京

蒼龍對闕夾天閭秋駕凌晨出國門十萬貔貅騎驪裏  
一雙日月繡旗幡講蒐獵較黃羊圍錫宴恩霑白獸尊  
赫矣漢家人物盛馬卿有賦在文園

和袁伯長待制送虞伯生博士祠祭嶽鎮江

河后土

夫容仙掌坐中低后土霄光手可齊  
棧路蹴雲山有閣蜀天常漏石無泥  
岐陽過馬應聞鳳陳寶停輶莫信雞  
使者才華似揚馬題詩應近草堂西

次吳真人梅花韻

羅浮庾嶺大荒濱燕薊冰姿好寄身  
地勝不招金谷客賦成重寫洛川神  
碧窓逗日留私煦丹井呼泉漬古春  
草木有知應自喜白衣如我是山人



五言絕句

雪中登郡城西亭二首

澗谷垂寒藤冰光見魚影  
歲暮風雪交敲瓶煮茶茗  
飛花墮橫塘鏡影照空額  
天路昭華管吹香慰幽客

弔節婦

白日松臺閔青山石槨沈空餘  
哭夫淚下入九泉深

題四皓圖二首

不聽高皇召還來太子宮  
阿婆人羸禍吾恨紫芝翁

鴻鵠歌雖壯長門事可憂  
閒居紫芝客終不似巢由

閒題樹葉上

秋意鳳城多涼颼奈夜何  
題詩滿霜葉不見洞庭波

馬戶

日午炊煙起人家半是農  
賣田當保馬無褐過三冬

朝歌

霧黯山沈樹風號路起塵  
朝歌醉王死周室又歸秦

墨竹扇頭

冰紈已却暑况此碧琳琅好伴玉麈尾涼颺滿高堂

李陵臺二首

故國關河遠高臺日月荒頗聞蘇屬國海上牧羝羊  
蹠林聞野祭漢室議門誅辛苦樓蘭將淒涼太史書

歐陽原功銘馮少府墓

古鼎刻龍文新銘少府君欲聞蒿里輓零露濕秋墳

題猿圖

江渚無來鴈山樊有宿猿秋高盧橘熟巴月樹連村

偶成

山中木葉落江上水波生自是年年事漁樵不必驚

黃河

塵海東南下雲山西北高黃流蕩中滴萬里費波濤

節婦張氏

磨筭山月寒織素機石冷閨深鏡塵奩泉咽水結井

獨石

秋瀨喧石梁臨流不肯渡與客坐忘歸山寒日將暮

題王氏樓二首

岑樓臨曲水小檻背重城  
懶慢淮南客終須掉臂行  
乳燕穿花去倉鶯拂樹來  
淮天春又夏獨立意徘徊

七言絕句

楊妃墓

漢廟衣冠照碧磷  
唐陵翁仲作黃塵  
馬嵬坡上棠梨樹  
獨占秦原幾日春

帥臣子劉宗道藏其父之詩請跋

將家子弟讀兵書  
欲斬樓蘭換印魚  
獨有劉郎偏醜藉  
阿翁詩句作儲胥

鎖院獨坐書事口號

松間行屋無人到  
恰似蓬船泊浪中  
午夜風聲敲雨點  
夢迴錯認是漁翁

與庫庫子山郎中

時祈雨  
長春宮

中郎齋沐醮星官  
風馬雲車下石壇  
深夜步虛詞更響  
要將靈雨濕春乾

題劉伯宣哀輓詩

揚子橋邊水正波  
薜蘿蕪草徧陂陀  
江潮日日風聲急  
似爲孤臣賦九歌

慶陽

首宿春原塞馬肥  
慶陽三月柳依依  
行人來上臨川閣  
讀盡碑詞野鳥飛

驪山 三首

繡嶺春來綠樹圓  
東風吹影入溫泉  
華清夢斷飛塵起

玉鴈銜香墮野田

玉女泉邊翠藻多  
石池涵影媚宮娥  
可憐繡嶺啼春鳥  
猶似梨園弟子歌

華陰道士長松下  
留我煎茶看古碑  
衣上征塵都莫洗  
天風一夜爲君吹

洛中二首

龍門三月洛波清  
正是花時過故京  
尊酒不來芳樹遠  
碧雲初合暮山橫



東望梁園是故鄉  
懷歸夜夜夢池塘  
春城碧樹淮南路  
飲酒當年似漫郎

七夕舟中苦熱

嘗憶銀牀桐泣露  
更思玉腕蔗流漿  
天孫初嫁龍綃薄  
却恐秋河入夜涼

戲馬臺

將軍一叱廢千人  
未去掀髯便笑秦  
枉築高臺閒戲馬  
漢王將地擬功臣

歌風臺

祖龍無廟托孤魂  
羽泣妖姬死更奔  
獨有沛中隆準客  
歌風臺上望鄉村

集袁王二學士詩為首二句祖常足成之

石城月落鴉棲堞  
秋浦天青鴈拂簷  
春送亂紅浮酒面  
山飄空翠濕書籤

送胡古愚還越四首

越江秋水得霜清  
夜夜天南婺女明  
客子布衣風又急

世間無用是才名

北風吹鴈不成行  
揚子江邊上夜航  
剡紙題詩三百首  
人來爲我說錢塘

秋樹紅時客欲歸  
江寒湖小鷺空飛  
東陽有酒堪賒飲  
莫問桐廬借釣磯

送客歸山天正霜  
吳江蠙美橘初黃  
上林千樹櫻桃熟  
莫戀金華是故鄉

過故相宅

瓦墜當簷燕不來  
白頭老妾賣花栽  
舊時小吏今身貴  
羞近門西上馬臺

閩浙之交

月出山頭犬吠雲  
隔林鐘磬鶴應聞  
老僧見客閒留坐  
風落松花滿寺門

出都

潞水年年沙際流  
都人車馬到沙頭  
獨憎楊柳無情思  
送盡行人天未秋

獨立

玉署涼生試袂羅  
堦庭新雨長青莎  
睡醒獨擬三都賦  
不換人間瑞錦窠

誚燕

風雨池塘鬪頡頏  
春來秋去一生忙  
世間多少寬閒境  
辛苦營巢傍屋梁

送廬山周道士

崆峒移得三株樹  
獨向江邊種未成  
南國祇應仙露少

却來天上瀉金莖

送侯嵩亮

西南萬里青山路君在峨眉第幾重  
莫愛平羌江上水  
明年京國約相逢

題道友舒貴和扇

吳蠶入繭素絲多  
乞與天孫織扇羅  
冰雪地清天不暑  
月中仙子種杪擲

宋高宗書光武度田圖

漢家自有雲臺像誰取丹青畫度田宋主欲興江左業  
却將書字送長年

暑雨

涼生紗縠玉秋清雨氣霏霏滿鳳城湖上荷花雲錦爛  
不能臨水一閒行

蜀道士歸儒

青城羽客燒丹罷要近東家問六經却笑山陰知道士  
白鵝閒覓寫黃庭

功德使薩木丹巴勒藏

英宗皇帝所賜御書中有御製詩云月色清  
吾心日光照吾民十字大哉君人之言也又  
云明仁殿書賜旦謹贊詩四句於後

英宗朝坐明仁殿賜旦新書日月中河漢昭回光氣在  
淒涼空抱小臣弓

丁卯上京

山雨晴時已是秋苑中行殿日華浮長楊十萬旌旗宿



不使飛霜入畫樓

參議府坐贈左右司郎中

西曹清峻東曹劇綠水紅蓮兩幕開獨有議郎官似我  
手持書字近三台

春風御馬圖二首

龍種拳奇十二閑進來新自玉門關連錢赭白生珠汗  
天子長楊羽獵還

春風楊柳華山陽肥澤都能照地光天下太平無汗血

還堪立仗事君王

蔡琰圖二首

胡月還如漢月圓  
龍堆沙水咽哀絃  
文姬此夕穹廬夢  
應到春閨舊鏡前

蹋歌誰唱木腸兒  
頗念中郎哭女時  
衛霍不生陵不死  
望鄉臺畔盡相思

御溝春日偶成

御溝流水曉潺潺  
直似長虹曲似環  
流入宮牆才一尺

便分天上與人間

題墨竹

山雨蕭蕭濕翠旌  
雲中仙度鳳吹笙  
苔衣生滿空林石  
放鶴歸來獨自行

趙中丞折枝圖

洛陽春雨濕芳菲  
萬斛胭脂染舞衣  
帳底金盤承蜜露

東家蝴蝶不須飛

牡丹

乘槎使者海西來  
移得珊瑚漢苑栽  
只待綠陰芳樹合

蓋珠如火一時開

石榴

館娃宮裏醉西施不覺秋生水殿時酒病却嫌丹粉惡

洗妝天上影娥池

芙蓉

火齊珠紅拂翠翹石家步障曉寒消千枝臘炬燒春夜

羯鼓催花打六么

山茶

鶴索詩引頸長鳴戲以答之

一聲清啾九臯秋竹裂松搖不自由老衲彈琴來度曲

粼粼沙水枕門流

次王叅政延福宮韻八首

五粒松脂下石扉  
山花春鳥拂簷飛  
道人自煮青精飯  
學得仙方上馬歸

仙子新開白鶴亭  
畫雲十二列山屏  
簾光香轉涼颼細  
坐讀南華問大庭

蕊珠宮闕畫雲扉  
么鳳桐花白日飛  
水水藕絲清暑宴  
偷桃方朔醉忘歸

唐家漲水望雲亭  
三月千花隔障屏  
不似仙人華綠洞

雙笙吹鳳五芝庭

太乙神來月轉扉石壇秋冷葉初飛  
丹方可是無消息  
遼鶴千年始一歸

道士南來說敬亭  
雲林千疊翠光屏  
寫書更問瀛州叟  
幾日丹牀滿後庭

翠瓦金鋪白玉扉  
松階五色鳳凰飛  
夢中不覺神仙境  
却是彤庭得奏歸

草玄誰到子雲亭  
莫笑重烏短似屏  
學士橫經趨虎觀

將軍躍馬出龍庭

雜賦二首

水村山店屋橫斜，行盡長淮恰到家。  
雨雨風風六十日，年光多半在天涯。

空江木落月輪高，千里清光見羽毛。  
喚起長年夜吹笛，右持杯酒左持螯。

到家

山房百本梅花發，盡是先生手自栽。  
不似旗亭楊柳樹，

迎人來了送人回

道士彈琴圖

龍門千尺高桐樹  
天上移來石上栽  
斲得春雷鳴玉澗  
青鸞黃鵠一時回

寄王繼學

八詠樓高風月清  
故人持節駐江城  
老來不覺俱多病  
藥裏隨身處處行

絕句



春雲五色建章西流水平橋兩岬低客子年光偏易失  
御溝楊柳又鶯啼

舟中送干同知朱縣丞南歸

青山白鳥坐中沒渭樹江雲別後思四海同年幾兄弟  
知君日有寄來書

絕句

翡翠明珠載畫船黃金腰帶耳環穿自言家住波斯國  
只種珊瑚不種田

閒題

視草堂深白晝遲瀛洲仙子到來時  
閣鈴不響文書靜  
相對鼇峰日賦詩

次韻王繼學

三伏灤京酒醖同  
分飛鴻鴈怨秋風  
誰知山店前宵月  
只在盧仝草屋中

和李彥方

寄書日日問滄洲  
莫打江鷗與海鷗  
春水滿溪畦稻發

洛陽花好不須游

樂府歌行

南方賈客辭

江岸琅玕悲帝婦  
雲光漏日波含霧  
龍船初下鷓鴣林  
青幘蠻郎占龍戶  
千尋高杉生翠微  
北人去買蕉葛衣  
雞骨卜神銅鑄鼓  
却憶冰紈將北歸

踏水車行

松槽長長櫟木軸  
龍骨翻翻聲陸續  
老父踏車足生繭

日中無飯倚車哭，乾田犂确稚禾搞。高天有雨不肯下，  
富家操金射民田。但喜市頭添米價，人生莫作耕田夫。  
好去公門爲小胥，日日得錢歌飲酒。朝朝買絹與豪奴，  
識字農夫年四十，欲踏水車脚失力。宛轉長謠隴畝間，  
誰能聽此無悽惻。

蠶絲行

蠶車軋伊繭，抽絲桑薪煮水急。莫遲黃絲白絲光，  
縷縷老蠶成蛹啖兒饑。田家婦姑喜滿眉，  
賣絲得錢買晷羅。

翁叟慣事罵婦姑只今長男成葭蘆秋寒無衣霜冽膚  
鳴機織素將何須翁叟喃喃罵未竟當門叫呼迎縣令  
騶奴橫索馬鞭絲婦姑房中拆纊經

拾麥女歌

隴雉飛桑扈鳴老蠶入簇繭欲成原頭腰鍊者誰子刈  
麥歸家作餅餌心知棲畝有滯穗惻惻忍收寡婦利寡  
婦持筐衣藍縷終朝拾麥滿筐筐兒啼婦悲竈無火寒  
凝麥飯晡時取豈不見貴家妾豈不見娼家婦繡絲繫

襦蓮曳步銀刀繪魚佐酒杯狎坐酣歌愁日暮拾麥女  
拾麥女爾莫嗟爾莫憂人生賦命各有由前年貴家妾  
籍入爲官婢今日娼家婦年老爲人棄貧賤艱難且莫  
辭畢竟榮華成底事

古樂府

天上雲片誰剪裁空中雨絲誰織來  
蒺藜秋沙田鼠肥  
貧家女婦寒無衣  
女婦無衣何足道  
征夫戍邊更枯槁  
朔雪埋山鐵甲澁  
頭髮離離短如草

河西歌效長吉體

賀蘭山下河西地女郎十八梳高髻茜根染衣光如霞  
却名瞿曇作夫婿紫駝載錦涼州西換得黃金鑄裏蹄  
沙羊冰脂蜜脾白箇中飯酒聲漸漸

淮南漁歌十首

掉船淮水上晒網赤岸南船中捕來魚賣錢買魚籃  
小艇如鳧鷖湘東紫杉木載家復捕魚夜夜繫江竹  
市中買蠶絲新結橫江網江中魚已盡又結網十丈

白雲渡深竹野水過斜橋鳴榔下淮浦笭箬帶朝朝  
船過蒹葭浦人家喚買魚回船泊柳岸却問種樹書  
長年爲漁郎稅魚與鹽官誰云無鄉縣兵籍在邯鄲  
渡江問魚價人來索酒錢婦姑亦不惡便煮縮頭鱖  
桃花水初漲磯頭好下罾取得金鯉魚去換縛船藤  
賣魚向城市陌上遇王孫爭買雙銀鯽持去贈紅裙  
烏鬼項細細吞魚不下咽海鷗嘴亦短銜魚入野煙

兩頭織織五首



兩頭纖纖杪擲子半白半黑遼東豕  
腦腦剝剝琢玉几  
磊磊落落舞劍士

兩頭纖纖小兒繡半白半黑目中睛  
腦腦剝剝海岳兄  
磊磊落落將軍營

兩頭纖纖千畝拖半白半黑大纛旗  
腦腦剝剝解角麋  
磊磊落落磨崖碑

兩頭纖纖北斗杓半白半黑千金貂  
腦腦剝剝山中樵  
磊磊落落雲間鵬

兩頭纖纖蝟上毛  
半白半黑筆中毫  
腦腦剝剝擊雲璈  
磊磊落落斬馬刀

北歌行

君不見李陵臺白龍堆  
自古戰士不敢來  
黃雲千里鴈影暗  
北風裂旗馬首回  
漢家衛霍今何用  
見說軍還如裹痛  
不思百口仰食恩  
豈念一身推轂送  
如今天子皇威遠  
大磧金山烽燧鮮  
却將此地建陪京  
灤水回環抱山轉  
萬井喧闐車戛輪  
翠華歲歲修時巡  
親王覲圭荆

玉盡侍臣朝紱纈珠新高昌勾麗子入學交趾蠻官貢  
麟角斗米三錢金如土國人謳歌將軍樂將軍樂四海  
清吾皇省方豈田獵觀風察俗知太平

擬白頭吟

君家四壁立妾家萬黃金憶初未相知良媒賴鳴琴遂  
以身許君偕老畢所願如何忍相忘恩情忽中斷昨朝  
雙鴛鴦今夕守空牀茂陵展嬾婉還彈鳳求凰涼月凝  
玉露秋聲在庭樹歌我白頭吟相子長門賦紅淚濕芙蓉

蓉綠苔鬱蔥籠羞看舊雙鏡不敢歸臨叩

西施怨 三首

吳王水殿看芙蓉十二簾攏卷畫重新得西施顏似玉  
不教宮漏滴銅龍

妾家本在苧羅山一入吳宮便不還自是夫差心未醒  
枉將亡國怨朱顏

爲妾輕身作館娃妾心刺血報夫差范生事主還無策  
教妾傾人亦可嗟

車簇簇行

李陵臺西車簇簇行人夜向灤河宿灤河美酒斗十千  
下馬飲者不計錢青旗遙遙出華表滿堂醉客俱年少  
侑杯小女歌竹枝衣上翠金光陸離細肋沙羊成體薦  
共訝高門食三縣白髮從官珥筆行毳袍衝雨桓州城

次韻端午行

羅襦垂垂扇奩歇守宮持紅不數蝎桐官馬酒銀流漸  
內饗餅啖酥凝雪灤水之陽漢陪京拂天翠華風日清

繡絲鞋牆擅南陌玉環鏡鼻專東城射柳王孫五花馬  
醉來見客不肯下擷藍攬綠鬪草嬉靈運無須更誰詫  
香爐薰衣今幾人蘭階晝永簾光勻圍坐屏風卷畫劇  
杯中菖蒲笑回春

前宛轉曲

紫檀出海南削成琵琶槽上有鴛鴦絃彈曲聲嘈嘈客  
問此何聲新聲名絳桃一奏桃始華再奏花枝斜笑靨  
頰暈粉仙源飯蒸霞度作新聲曲春樹雙鶯逐雙鶯逐

擲金梭魚藻蕩圓波陌上行車帶結羅絳桃年少光陰  
多

蕭性淵善鼓琴予嘗爲之作我思操今自和  
林歸再任巡徼之職於江南比行又求予詩  
遂爲賦漢銅馬式歌以送之

漢家金銅鑄馬式求馬相此不失一塞上將軍得一匹  
驍驕如龍高八尺日斜騎出陰山道獵獵霜風鳴淺草  
鞍後並懸雙白狼歸來穹廬月弓好江南綠蕪春接天

只須一抹蹴雲煙，摩訶舊是將軍種。酒澆青衫學控弦。  
楊花宛轉曲

空中游絲已無賴，宛轉楊花猶百態。隨風撲帳拂香奩，  
度水點衣縈錦帶。輕薄顛狂風上下，燕子鶯兒各新嫁。  
釵頭燼墜玉蟲初，盆裏絲縲銀繭乍。欲落不落春沼平，  
無根無蒂作浮萍。瀨波繡苔總成婿，人間最好是清明。  
清明豔陽三月天，帝里煙花匝酒船。石橋橫直人家好，  
小海白魚跳碧藻。榆莢荷錢怨別離，不似楊花宛轉飛。



揚花飛盡綠陰合更看明年春雨時

公子行

綠香繡帳垂流蘇牀頭三尺紅珊瑚十八窈窕秦羅敷  
曲房小步瑞鳴襦高堂公子吹笙竽百斛明珠買氍毹  
蘭燈桂漿炙文魚但苦不駐羲和車

擬唐宮詞二首

華清水殿繡芙蓉金鴨香銷寶帳重竹葉羊車來別院  
何人空聽景陽鐘

長門月轉漏聲催  
自熨寒衣減帶圍  
休怕官家嫌體弱  
細腰曾是楚王妃

贈陳衆仲纈雲辭

纈雲織波射金水  
郎君水西着皮履  
南陌紫塵十丈高  
將鬚買酒意氣豪  
萬里將書憑海鳥  
荔枝千顆團團小  
天津不隔少微星  
閭闔門開夜光曉

雜言

題太白晴碧圖

我聞天星之精化爲石，况爾柱地名太白。又聞崑崙崑崙峒，洞天壇禹穴，雲爲衣。何如錦樹翠，蘚錯落，照晴碧。山寒日暮，虎豹遠，髣髴巖巖霧。雨濕淮南筍鞋，今不至。令人塵笠歌青壁。

李仲淵御史萬竹亭

君不見江有蛟龍宮，又不見竹有鳳凰實。江波沈沈竹林合，中涵網緼太古色。君侯亭子書帙光，依微靜綠樓。墨香東家絲桐閒，高堂我方與客歌。篔簹狎蛟龍，兮騎。

鳳凰渭川淇園在何鄉

喜知經筵蔡國張公至

行夷猶懔容與載兩旗駕四牡踰曾山遵大路日在天  
雲作雨將至止德容度晨修觀適帝所

楊孝廉義烏

密雲縣裏日欲西楊家樹上烏來棲啞啞鳴聲似兒啼  
日出捉蟲哺母饑君不見延秋門姑蘇臺詩人歌曲至  
今哀烏兮烏兮去復來孝子有念烏無猜

商學士萬里圖

曹南商君儒家子身登集賢非畫史酒酣氣豪不敢使  
揮灑山水在一紙咫尺萬里乾坤意人言造物真兒戲  
盤紆流動各有象變化倏忽風雲至吾觀崑崙西月出  
更觀扶桑東日生形勢開合限內外分野上合星辰精  
大禹鑄九鼎鄒衍外九州豈但草木異乃有鬼魅憂噫  
嘻奉常官祿薄百錢縫囊貯邱壑爲爾作歌還一喙何  
年淮南戴青箬

聯句

秋雪聯句同袁伯長賦

白帝欲返馭伯長 玄神已先驅南山點遐睇祖常 西顛

阻清歛刻雲環珮雜伯長 剪水瓊瑰敷金英受剛潔祖

常丹桂遭模塗高標變鬢髮伯長 爽氣通微軀羣陰孤

陽債祖常 積素五采腴路脩天鵝疑伯長 穴覆野兔呼

蟬猶抱殘槐祖常 鴈仍驚折蘆混漭露莖溜伯長 空清

氷柱酥或云勢已盛祖常 又言理非殊先時明堂嚴伯

長  
薄刑辱收誅浮華敵春澌祖常歛實侔冬輸慘立各

動色伯長沈思儼徐趨鴻鈞轉橐籥祖常緹室潛葭莩

觀物昧休徵伯長永歌啓貞符祖常

鸚鵡聯句同王繼學賦

雕離居啄桃繼學袷服儀采綠南荒孕靈質祖常西顛

發麗曲頸綬紅縈絲繼學喙棘頰屈玉蓄慧婉含章祖

常褫彩榮成縲能言貫珠古繼學善舞凌雲躅金眸肖

鞬隼祖常珍畜異巢鵠層塔寶舍利繼學深杯注醞醖

流丹曙林度祖常墮翠春洲浴石鏡影毳繼學銅梁

步陸續題賦吾豈能祖常入貢應爾錄繼學

都城南有道者居名松鶴堂暇日同東平王

繼學爲避暑之遊因作松鶴聯句

偃雲聳層霄繼學警露落古雪虬枝意垂澗祖常鷺羽

陋鳴埵蟠石千歲苓繼學頂朱百齡血胎禽哺春巢祖

常乳脂凝沍節舞蓋竽籟喧繼學啄粒苔蘚嚙玄玉薰

麝煤祖常碧脰溢雞樞陟岳秦爵崇繼學授甲衛軒劣



沐髮豹霧深祖常引吭鳳竹裂風馭八極小繼學河舟

三翼拙魯縞曳襪褌祖常夏社挺截薛任重明堂材繼

學言歸華表別拳縮包胥立祖常堅剛伯夷烈延世餌

芳液繼學顧步炫高潔作室擅茲美祖常觀物入獨閱

誓將束囊書繼學從爾解珮玦祖常

至治癸亥八月望同袁伯長虞伯生過槍竿

嶺馬上聯句

有嶺名槍竿伯長其上若棧閣白雲亂石齒伯生青峰

轉帘脚積水太古陰祖常出礦無底壑馬飲沆瀣泉伯

長鷹盪扶搖幙轍蹟委垂紳伯生人聲發虛橐鳥飛接

鳥背祖常羽沒疑虎膊霧松秋髮長伯長霜果紅頰薄

斤樵不知疲伯生獨往端有愕兢兢矛頭浙祖常杌杌

井口索凝睇見日觀伯長引手探月廓南下渺塵海伯

生北廣絡沙漠金橋羣仙遊祖常寶塔百神鑿禽鳴蜀

帝魂伯長鐵鑄石郎錯闌干掛鈎衡伯生撓槍斂鋒鏑

屬車建前茅祖常馳道狗巖柝載筆三人行伯長弭節

半途却伯生

天慶寺納涼聯句同王繼學賦

槐幄夏陰繁繼學石池暑氣清高堂瞰福田祖常邃宇

依王城午磬梵唄集繼學夜廊酥燈明龕經鬱金字祖

常壁礎承丹楹寂寂鴿棲罟繼學宛宛燕穿榮露葵炫

畫豔祖常霞藥敷陽英境閒便靜適繼學心古樂高情

逍遙祇園賞祖常迤邐廬社盟山枕籍雲潤繼學水簾


凝冰輕飯盃給香積祖常袈衲褫華纓海圖岩壑拆繼

學  
天學音聲鏗荔牆護筠粉祖常  
桐甃沈榴櫻共忻朋

簪合繼學敢謂詞鋒并睥睨荒草棘祖常  
橫縱按林垆

幽尋振塵鞅繼學雅談止飛觥鄙哉河朔飲祖常  
投幘

得世名繼學



中州名賢文表卷十六